

## ՀԱՇՎԵՏՎՈՒԹՅՈՒՆ

2017թ. սեպտեմբերի 6-ից 8-ը Բանգկոկ (Թաիլանդի Թագավորություն)՝ Հայաստանի Հանրապետության բնապահպանության նախարարի առաջին տեղակալ պարոն Էրիկ Գրիգորյանի գործուղման վերաբերյալ

**1. ԳՈՐԾՈՂՎԱԾ ԱՆՁ**

Էրիկ Գրիգորյան

**2. ԶՔԱՂԵՑՐԱԾ ՊԱՇՏՈՆԸ**

ՀՀ բնապահպանության նախարարի առաջին տեղակալ

**3. ԳՈՐԾՈՂՄԱՆ ՎԱՅՐԸ ԵՎ ԺԱՄԿԵՏԸ**

Բանգկոկ (Թաիլանդի Թագավորություն)

2017թ. սեպտեմբերի 6-ից 8-ը

**4. ՀՐԱՎԻՐՈՂ ԿՈՂՄԸ**

ՄԱԿ-ի Ասիական և Խաղաղօվկիանոսյան տնտեսական և սոցիալական հարցերով հանձնաժողով և ՄԱԿ-ի շրջակա միջավայրի ծրագիր:

**5. ԳՈՐԾՈՂՄԱՆ ՆՊԱՏԱԿԸ**

Մասնակցություն Ասիական և Խաղաղօվկիանոսյան տարածաշրջանի առաջին նախարարական վեհաժողովի բարձրաստիճան հատվածի հանդիպմանը:

**6. ՔՆՆԱՐԿՎԱԾ ԹԵՄԱՆԵՐԸ, ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ**

Հանդիպման ընթացքում անդրադարձ է կատարվել Ասիայի և Խաղաղօվկիանոսյան տարածաշրջանի տնտեսական և սոցիալական հանձնաժողովի բնապահպանական հարցերին, քննարվել են նախարարական 6-րդ կոնֆերանսի կատարողականները: Նախարարական մակարդակով մեկ հարկի տակ էին միավորվել ՄԱԿ-ի երկու բնապահպանական հարթակները՝ կենտրոնանալով Ասիական և Խաղաղօվկիանոսյան տարածաշրջանում ռեսուրսների օգտագործման արդյունավետության բարձրացման և աղտոտման նվազեցման միջև առկա կապի վրա: Մասնավորապես, բարձրաստիճան հատվածի հանդիպման ընթացքում Կողմերը քննարկեցին Ասիայի և Խաղաղօվկիանոսյան տարածաշրջանի Շրջակա միջավայր և Զարգացում վեցերորդ նախարարական համաժողովի արդյունքների իրականացման ընթացքը և նախանշեցին առաջիկա տարիների գործունեության հիմնական ուղղությունները: Վերանայվեցին նաև 2016թ. ՄԱԿ-ի բնապահպանական

Ասամբլեայի կողմից ընդունած տարածաշրջանի համար բանաձևերի իրականացման արդյունքները:

Բարձրաստիճան հատվածի հանդիպման ընթացքում հանդես եմ եկել ելույթով՝ ողջունելով Նախարարական հայտարարության նախագիծը, մասնավորապես մատնանշելով տարածաշրջանային համագործակցության կարևորությունը՝ ընդգծելով, որ բնապահպանական խնդիրները պետք է լուծվեն տնտեսական և սոցիալական հարցերին զուգահեռ: Ելույթի մեջ անդրադարձել եմ աղքատության՝ որպես բնապահպանական խնդիրներ առաջացնող կարևոր փաստի և դրա կարևորությանը:

Ներկայացրել եմ GCF կողմից ֆինանսավորվող նոր նախագիծը, որը հանդիսանում է համաշխարհային մակարդակով 10 ստորագրված ծրագրերից մեկը և առաջինը Եվրասիական տարածաշրջանում: Նաև նշել եմ, որ ի տարբերություն անցյալի, ներկայումս, թե տնտեսական և թե սոցիալական տեսանկյունից շահավետ է ներդրումներ անել բնապահպանության մեջ:

**7. Ձեռք բերված ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ԺԱՄԿԵՏՆԵՐԸ**

Համաժողովի ընթացքում հանդիպումներ եմ ունեցել Սինգապուրի բնապահպանության նախարարի, Իրանի, Ճապոնիայի պատվիրակության ղեկավարի և այլոց հետ:

ՀՀ բնապահպանության

նախարարի առաջին տեղակալ՝

Է.Գրիգորյան